

Ն Ո Ր Գ Ր Ք Ե Ր

«Յուցակ ձևագրաց Մաշտոցի անվան Մատենադարանի», հատոր Ա, ՀՍՍՌ ԳԱ
հրատարակություն, 1965 թ., տպաքանակը՝ 1000, 1634 էջ, գինը 6 ո.:

Մատենադարանի հայերեն ձեռագրերի եռահատոր ցուցակի ներկա հատորը
իւր մեջ ընդգրկում է N 1—5000 ձեռագրերի նկարագրությունները, նրանց գրչու-
թյան ժամանակի, վայրի և բովանդակության մասին տեղեկություններ, ինչպես
նաև սովետական իշխանության տարիներին հավաքված գրչագրերի ձեռք բերման
պատմությունը:

Հատորի վերջում կան մի քանի անհրաժեշտ ցանկեր, որոնք, ինչ խոսք,
կհնչտացնեն հայագետների աշխատանքը այս գրքից օգտվելիս:

Ձեռագրացուցակը խմբագրել են ՀՍՍՌ ԳԱ թղթակից անդամ, պատմական
գիտությունների դոկտոր Լ. Խաչիկյանը և բանասիրական գիտությունների դոկ-
տոր Ա. Մնացականյանը:

Ր. Խ. ԽՈՒՄԱՆՅԱՆ — «Առնետն տոմարացույց», ՀՍՍՌ ԳԱ հրատարակություն,
1965 թ., տպաքանակը՝ 1500, 65 էջ, գինը՝ 10 կ.:

Գրքույկում տրված են հայ մատենագրության մեջ օգտագործված տոմարնե-
րի կանոններն ու աղյուսակները, ինչպես նաև տարրեր տոմարների զուգակցու-
թյունը, շաբաթվա օրերի, Լուսնի փուլի հասակի որոշումը և այլն:

Լ. Պ. ՂԱՐԻՐՋԱՆՅԱՆ — «Երևանի պետական համալսարանը», «Միտք» հրատա-
րակություն, 1965 թ., տպաքանակը՝ 5000, 296 էջ, գինը՝ 1 ո. 35 կ.:

Գրքում արխիվային փաստաթղթերի հիման վրա հանգամանորեն շարադր-
ված է Հայաստանի ամենախոշոր ուսումնա-գիտական հաստատության՝ Երևանի
պետական համալսարանի հիմնադրման ու զործունեության առաջին տասնամյակի
պատմությունը և այն դերը, որ կատարել է նա գիտության զարգացման ու որակ-
յալ մասնագետների պատրաստման գործում:

Աշխատությունն ունի հավելված, ուր բերված են ուսումնասիրվող շրջանին
վերաբերվող փաստաթղթեր և համալսարանի անվանի դասախոսների համառոտ
կենսագրությունը: